



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Reverendo In Christo Patri, Ac Domino, Lamberto Hankart, Abbati
Gemblacensis monasterij, domino suo obseruando.

urn:nbn:de:hbz:466:1-42790

REVERENDO IN
CHRISTO PATRI, AC

DOMINO, LAMBERTO HAN-
kart, Abbati Gemblacensis monasterij,
domino suo obseruando.

S. P.

BREVEM scripsi, reueren-
de Domine Prælate, anno
superiori libellum, de pa-
trij Belgij nostri Sanctis, at-
que patronis. Cum enim eius
anni initio typographi recudere statuissent
Vsuardi Martyrologium, meo labore reco-
gnitum, retardabant eos molestissima illa
& tristissima initia: quorum, eò quòd gra-
tiora totius Belgij mala portendebant, exi-
tum videre cupiebant. Nonnihil autem con-
solationis accepimus, quando amplissimi
Ordines & Status, Brabantix, Flandriæ,
Hannoniæ, & Artesiæ, vt Belgium Deo &
Regi conseruarent, legationes suscipiebant
in Hispanias, ad Regiæ Catholicæq. Maiesta-
tis Clementiam, vt quod in Belgio obtinere
non valebant, id consequerentur ab ipsius
paterna in Belgas Clementia. Sed, eheu,
serenitas illa paulo post multis nubibus fuit

A 2 obnu-

EPISTOLA

obnubilata. Occupati sunt enim à fidei nostræ hostibus præcipui portus, Brila, Vlis-
singa, Enchusia. Occupatæ sunt paucorum
proditione & aliæ vrbes, in religione florenti-
ssimæ: vt, Montes Hannoniæ, Geldrorum
Zutphania, & vicina nobis Mechlinia. Hinc
& inde colluies hostium inuolarunt. Ex qui-
bus tamen, quæ è Francia in Hannoniam ir-
ruebant, zelo potissimum & animositate ru-
sticorum, sunt deletæ. Verùm cum aliud
nihil dicerentur velle, quam assertionem pa-
triæ libertatis, contra tyrannides, & exactio-
num iniurias, specioso mendacio multas ci-
uitates à Regiæ Maiestatis obedientia ad se
retraxerunt; nonnullas etiam violentia oc-
cuparunt. Atq. Belgium, quod est Catho-
lici Regis patrimonium, vnico hoc anno
magis attritum est, quàm per omnia illa bel-
la, quæ Clementissimi nostri Principes, Ca-
rolus & Philippus, contra Francos, multis
annis sustinuerunt. Quæ vero perfidi ho-
mines contra religionem egerint, enarrari
non possent. Quot ecclesias, & monaste-
ria, exusserint, confregerint, profanarint, à
nullo, vt arbitror, scribetur. Scimus mul-
tas myriades hominum, in Belgio federe,
ab istis peccatoribus, oppressas, carentes
& sacerdotio, & sacramentis. Scimus
indies,

indies, multos contabescere ac mori destitutos viatico, & sacræ vñtionis remedio. Et vt ad martyria veniam, audacter dico, plures Pastores, & Ecclesiastici viri, vnico anno septuagesimo secundo, coronati sunt martyrijs in Belgio, quàm omnibus illis annis, qui vsque ad Natalem Domini nostri antecesserunt.

Inter has igitur miserias, dum à typographis Martyrologij editio seponitur, rogatus sum à nonnullis, vt de nostratibus Sanctis aliquantò fusius scriberem. Quorum postulationi statim acquieui; partim, vt tam sancta occupatione animi mei tristitias mitigarem: partim quia, quod alibi scripsi, specialem curam habere oportet de ijs Sanctis quorum reliquias habemus: quiq̃ue nobis conuiuendo, bene viuendo, conuersationis: tolerando fortiter, passionis reliquerunt exempla. quorum etiam nos speciali patrociniò adiuuari dubitandum non est. Ex ijs proinde quæ ad manum habere potui, scripsi Belgis nostris, vt eos ad ampliorem honorem & imitationem nostratium Sanctorum inflammarem, libellum succinctum, cui inscriptionem dedi, *Indiculum Sanctorum Belgij*: secutus ea in parte Petrum de Natalibus, episcopũ Equilinum, qui suum de Sanctis opus, Catalogum

*De Martyrologijs,
capite 22o.*

Sāctorum inscripsit. Etsi enim profusior, sim aliquando, non tamen tam historiam tracto, quam summarie tantū indicē præcipua historiarum Capita. Dabit autem hic breuis libellus fortassis alijs occasionem, vt similiter breui compendio illustrent suæ nationis Sanctos.

Forſitan animabit etiam quosdam, vt quod à me de nostratibus breuiter factum est, & aliquando minus plene, ipsi pleniori historia perficiant. Quare si quos Sanctos nostrates in hoc opere omisi, aut si quod addendum erat, per ignorantiam aut per negligentiam præterierim, nullus mihi irascatur: sed condoleat, precor, & instruat; quodque addendum est, ad me transmittat, vt quod à me prætermisum est, ab eo non prætereatur, qui & maiora, & digniora, de Sanctis Belgij meditabitur. Si quis enim laborem hunc, quod opto, aggredietur, is non dubito quin me conscio id faciet. Eidemque quicquid accepero, libens vtraque manu communicabo. Dum autem succincte historias contraho, plærunque iisdem vtor verbis, quibus ex antiquitus sunt conscriptæ. In annotandis vero annis, inueni aliquando chronographorum discrepantiam, vt hoc frequenter fieri solet. Sed mihi satis fuit in talibus simpliciter vnus probati scriptoris se-

ris sequi sententiam; eamque sic à Lectore accipi velim, vt intelligat eo anno id accidisse, aut circiter.

Tuæ autem R. tiæ obseruande Domine, hunc libellum dedicatum volui, ob multa dignitatis Vestræ in me beneficia. Nam, vt quædam eorum attingam, à Vobis ante annos aliquot accepi Catalogum Sanctorum Brabantia & Hannonia, à Regulari Rubæ vallis conscriptum, ad generosum equitem, Philippum Conterallum, qui Catalogus mihi occasionem dedit simile aliquid meditando de omnibus Belgij Sanctis. Quare cum R. da Va. P. as libro nostro initia dederit, æquissimum videbatur, vt sub Eiusdem protectione excusus distraheretur. Sæpius etiam vsus sum nuditissimæ vestræ Bibliothecæ Manuscriptis codicibus, è qua etiam modò triginta quatuor volumina penes me habeo: quorum triginta, operum sunt beatissimi Augustini. quibus, cum multis cooperarijs Theologis, vtor in laboriosa, sed multum utili castigatione, omnium ipsius tomorum.

Libens autem nonnihil subijcerem de R. tiæ V. æ laudibus, sed vocem Vestram esse agnosco, Qui me laudat, me flagellat. Parcas tamen mihi, si non propter te, sed propter alios, paucula subiecero. Gratias itaque ago

A 4 Domino

Domino Deo, quod eius dignatione in Gemblaco monasterio, quod primum & antiquissimum est inter Abbatias Brabantiae, rector & regula sis subditorum. Rursus, quod in Gemblaco oppido & adiacentibus locis, sic temporalem administras iurisdictionem, ut ab omnibus magis pater habearis, quam dominus: Denique quod inter nobiles Brabantiae, ubi primum locum obtines, sic valeas virtute irrumpere, ut nec potentis faciem extimescas, ponens scandalum in agilitate tua, nec pecces in multitudinem ciuitatum. Vnde etiam anno superiori, nomine Nobilium Brabantiae, legationem illam in Hispanias, etsi senex, subire non recusasti, cum alijs ex nostro Louanio Brabantiae legatis.

Ecclēstici 7

Deus autem benignissimus, qui te, aliosque nostros Legatos redeuntes, ex Maurorum periculis & infidijs eripuit, is etiam Catholicam nostram Vniuersitatem, pientissimam totius Belgij matrem, videre tum permisit grauisima pericula, sed inter ea, ut pupillam oculi sui, eandem conseruauit. Idem vero pater misericordiarum, qui & Vos protexit, & nos, toti Belgio, quod adhuc per loca plurima maximis premitur afflictionibus, & vastationibus, pacem nostris diebus dare dignetur.

DEDICATORIA.

5

gnetur. Sicque Regum, & omnium qui in
sublimitate sunt corda dirigit, vt quietam &
tranquillam vitam agamus, in omni pietate,
& castitate. Vestram quoq. Reuerentiam,
& Gemblacensibus, & nostræ Brabantia,
ad multos annos seruet incolumem.

Louanij, ex sacelli monte,

Anno 1573, Kalen-
dis Maij.

V. æ R. dæ P. ti

Deditissimus,

Ioan. Molanus Louaniensis.

A 5 IN

